

珠河縣志

己巳九月

卷四之七

王步之署

福

珠河縣志卷四目錄

設治志

設治

升縣

其源

類指

諸法

經阿彌陀卷四目錄

珠河縣志

設治志

設治

務糾葛訟獄繁興人民遂動惟珠河設治則肇自人民之請願民國七年冬烏珠河兩鎮紳民發起請結未結案件悉歸同五兩縣各按管界接收兩縣行政幅輳遼闊殊感鞭長莫及之困又因萑苻偏地私種鴉粟擾亂治安官府亦勢難兼顧嗣以荒務糾葛訟獄繁興人民遂自動而請求設治於民國九年一月一日一面坡烏珠河兩鎮紳民發起請求設治並自行解囊捐助川資歷經數載始蒙大府之批准其呈請往來調查情形臚志於後

附請求原呈

爲請求設治以安民業事竊一面坡地方自前清末季始漸開闢二十年來商

民日見繁盛前清時設一分防巡檢隸屬長壽縣卽今之同賓縣改革後裁分防巡檢僅設一區官鎮攝其間按現在同五荒務處所放之荒九千餘方墾民萬有餘戶統計合境商鋪六百餘家幅員既廣人民日多縣城距離遙遠控馭實難周到良莠雜處奸宄肆行實無異畜羣羊而無牧者擁厚資而失家主也况地當同五之間民刑訴訟往往牽混每遇命盜案件或藉故遷延或羈困旅邸致有經年未結之案終身不白之冤此官府遠而民隱受其患也近年盜匪日多尤爲慘毒去年八月九日胡匪衝破一面坡街燒殺至四小時之久公民等身受其災事後思猶爲骨慄自受此創之後衆荒戶多有遷徙他處其未來者更裹足不前地方受莫大影響公民等痛定思痛所以弭患害求治安之法祇有請求設治一策苟得一賢明長官不但盜匪潛蹤而興學校設警察保商務安流氓則遠道荒戶將有不招自至者但茲事體大需款浩繁際此國帑支

紉恐無此項開銷公民等集合衆戶熟商籌款之法僉願照所領荒地按戶籌捐除舊有二成經費外願再附加設治經費一成統計三成此係衆戶爲請求治安情甘樂輸與藉端科歛者不同並擬請將同五兩縣荒務案件歸設治局辦理既清荒政又免虛糜此外匭探調查尙有零星未放之荒約二三千方亦請歸設治局勘放又調查荒務局放出清字照地共有六千餘晌皆自本年升科以上皆爲民等預籌設治經費大略如蒙 恩准卽請咨部立案並請派員劃分界址迅速開辦以安民業實爲德感謹呈

吉林省長徐

代表人姓名列左

朱星五

宋玉庭

溫景達

莫瀛嶠

李永譽

宋玉田

車同殷

魏忠孝

車清顯

劉振鏞

盧學珍

李孔彰

王魁一

魏子餘

趙慶昌

戴溪泉

沙振洛

邢紹魁

王墨亭

尤祥麟

劉登穀

沙振川

王毓峯

葛士良

馬錦春

龔煥辰

胡惟沂

譚桂權

畢成全

劉景春

秦松齡

車英啓

許連璧

于湖

王錫桂

王志洲

賈文海

于學海

大任荷之

李相忠

高玉科

朱星五等聯名十六人在一面坡發起請求設治沙振洛等聯名二十五人賡續請求再接再厲始底於成

附批

呈悉該處究竟應否設治仰候派員查明具覆再行核奪此批

日九年一月十二

省派調查員高恩澍來烏調查報告原呈錄左

呈爲陳明調查情形據實報告事竊

委員

於一月十九日接奉

省長公署先

後訓令內開案據一面坡公民代表朱星五暨葦沙河鎮農商會等呈稱爲請求設治以安民業等情據此除批示外合亟令仰該員即便併案查明具復以憑核辦等因奉此

委員

遵於二十二日由省起行二十四夜抵一面坡地方次日親身履勘街市開始調查當有該處商民陸續前來面陳荒務之夥葛與無官署之困難未幾葦沙及烏吉密河兩處亦先後來人極爲歡迎

委員

一面逐項調查一面與之接洽查一面坡地方毗連俄站確已成爲鉅鎮市面係東西大街兩道鋪商二百餘家民戶七八百戶面山倚河爲西北東南斜長勢大致情形與該公民等原呈無異惟地勢狹隘因無官署治理以致街道叢雜民戶散漫街基已均有人佔領卽街外亦無一席公地若設治於此將來縣署監獄警學各所均無相當地點實屬最大問題此設治一面坡困難之情形如是也

二十九日委員乘中東火車至葦沙河地方查該處在一面坡東距坡街六十里居鐵路北面新闢街道鋪商三四十家而小販營生者居多民戶三四十家均散漫雜居而地勢又甚窪下附近螞蜒河每遇漲發之時爲患頗鉅設治於此諸多不便此葦沙河之情形如是也二月初四日委員就回省之便順道至烏珠密河下車該處在一面坡之西距坡街三十餘里西北羣山環抱東南爲瑪琿河烏珠河二水匯流之處地勢平坦而高局勢絕佳商戶有一燒鍋及零星小鋪三十餘家民戶百家上下均係近二三年內新到者街基房舍大多簡陋以街基尙未完全開放之故且該處又爲同賓五常方正依蘭糧石會聚之區故油豆蔴及各種山貨車站堆積比一面坡大站尤多現在大車爬犁宿食於露天之中日夜有之其蒸蒸日上之勢可立而待雖地勢似覺稍偏然較一面坡葦沙河甚是交通便利農工商業易於發達若設治於此實有百利而

無一害也第以調查所得管見所及以地點論則葦沙河爲適中但將恐有水患之虞以市況論則一面坡似爲合宜但縣署監獄警學各所均無地基可覓至烏珠密河似稍偏於西北然設縣於此作居高臨下之勢鐵路交通東南雖遠亦無難控馭爲籌款計爲公家地點計爲將來發旺計似宜在烏珠密河爲適宜也正籌策間有烏珠密河墾戶秦松齡爲興通地面起見聲稱願將所有堪放之地呈獻公家開放街基以補設治之經費計地三方有奇核一百三十餘响可放街基三百餘號能籌款四萬元左右其縣署監獄警學倉廟各地點均聽公家擇留委員當卽允爲轉呈伏思值此庫款支絀之際設治以籌款爲要務該民旣如此樂輸若再兼辦荒務民欠尙有四千餘方之荒價未交卽照原定經費二成亦頗敷設治之用一有官署羣情自然踴躍升科之地定必日見起色彼時設縣一切開支似亦不患無出矣抑更有請者該各處墾戶紳民

僉請先將同五官荒務未盡事宜派員接收以清民累而免移交他處致生枝節衆口同聲辭意懇切合將原呈一併代陳至究應以荒務兼設治抑以設治兼荒務如何辦理之處出自 鈞裁所有調查情形併計畫書官荒全圖各街市分圖新開城基圖暨代轉原呈理合具文呈請

鑒核施行謹呈

吉林省長徐

省署據高調查員報告情形擬在烏珠密河設治咨請內務部其原咨抄左
吉林省長公署爲咨行事案查吉省同賓五常兩縣界址毘連其西北一帶地多未闢前因縣城距離遙遠在同屬一面坡地方設立荒務處勘放同五兩縣之荒現在該處土地開闢戶口增加較諸往昔不啻數倍前據該處紳民迭次呈請設治等情到署當派員調查去訖茲據復稱查一面坡地方毗連俄站確

已成爲巨鎮惟地勢狹隘無建設衙署地點距一面坡之西三十里爲烏珠密河該處地勢平坦羣山環抱係同賓五常方正依蘭等處糧石會聚之區且交通便利農工商業易於發達設治於此有百利而無一害至開辦經費該處有街基一段尙未丈放計地一百三十餘晌可放街基三百餘號約能籌款四萬餘元足敷設治之用等情並繪具圖說呈復前來查烏珠密河一帶土地膏腴物產豐富誠能勵行庶政招徠墾民數年之後定臻繁盛惟同賓五常兩縣距離較遠兼顧難周加以毗連俄站盜賊亡命時或藉作逋淵外交發生無人主辦尤爲堪虞本省長查核情形擬在烏珠密河地方添設設治局派設治委員一員將同五荒務處併入該局接辦以資清理而利進行仍俟試辦一年著有成效再行改設縣治以符定制除令行財政廳將應需經費先行妥籌外相應備文咨請

大部查核轉呈至級公誼此咨

內務總長

附覆咨

內務部爲咨行事前准

貴省長咨請在同賓五常兩縣西北烏吉密河地方設置設治局請查核轉呈等因到部當經查核烏吉密河地方既據同五兩縣寫遠在該處添設設治局以便治理自屬可行惟丈放街基暨常年經費事涉財政咨商財政部核覆去後茲據同賓縣公民龔相文等呈請暫緩設縣整理官方等情前來查所呈各節是否屬實未便懸斷應抄錄原呈咨行

貴省長查明覆部以憑核辦此咨

吉林省長

附覆咨

吉林省長公署爲咨復事案准 咨據同賓縣公民龔相文等呈請暫緩設治整理官方等情請查明見復等因查烏吉密河地方因距同五兩縣寫遠兼顧難周以致地方未能發達前經派員調查確有設治之必要該民等呈請緩設等情殊屬昧於事理審時度勢未便遽更前議仍請

大部查照前案准予轉呈以利進行至關於同賓稅捐局長傅鎔財務處主任曹士先等違法各節前據該民等郵呈到署當以原呈所稱事理不甚明晰且未粘附保條深恐有誣妄情事未予准理現既赴

部聲訴應請轉飭該民將該員等違法事實詳呈來署以憑查究准咨前因相應備文咨覆查照此咨

內務總長